

• Un boletin informativo pa bo

Pais Antia ta bai disparsé. Boneiru a skohe pa un laso direkto ku Hulanda. Gobernashon di Boneiru, na e momentunan aki ainda un teritorio insular den Antianan Hulandes, mester ser transformá den tempu kòrtiku den un un entidat públiko (un munisipio partikular). Esei nos ta yama transishon. E konsekuenshanan di e transishon aki ta amplio i profundo. Henter nos komunitat lo sinti su efektonan. Ta trata di kambionan den gobernashon i tareanan di gobièrnu. Den legishon i maneho finansiero. I naturalmente e organisashon gubernamental ta bai kambia. Tur esei mester kondusí na un organisashon ku ta atento pa e kliente i den kua ta agradabel pa traha i ku ta ahustá na eksigensianan ku ta eksigí di un organisashon gubernamental.

Komo empleado di gobièrnu bo lo tin di aber ku kambionan den e organisashon. Kiko e kambionan aki lo bai nifiká pa bo personalmente nos no sa ainda eksaktamente. Nos ta pará por sierto awor numa na komienso di e kaminda ku nos lo mester bai kana huntú. Kon e kaminda aki ta kana presis i kua opstákulonnan nos lo topa na kaminda no ta bon konosí ainda. Pero nos ta determiná pa huntú yega na un mihó organisashon.

Kolegio ehekutivo a skohe pa un forma di traha den kua, trahando lo introdusí e kambionan i mehoransanan nesensario den e organisashon atministrativo. E forma di traha aki ta poné den un rapòrt ku yama “Contourennota”. E nòmber di e rapòrt aki mes ta indiká ku e liñanan general di e meta final ta konosí. Pero kiko eksaktamente e situashon final lo bira, nos mester disidí na kaminda.

Ku e Boletin di Transishon aki gobièrnu di teritorio insular ta tene bo na altura di e kambionan den nos organisashon. Tambe denter di bo seno di trabou lo bo wòrdu embolbí den e kambionan. E boletin informativo lo sali mensual òf mas biaha sin tin nesensidat di esei. Mas tantu empleado posibel lo risibí e boletin informativo dirèkt via di e-mail. Hefenan di servisio i di sekshonnan ta ser supliká pa prent e Boletin di Transishon i pa duna esaki na esnan ku no tin e-mail na nan disposishon. E Boletin di Transishon lo keda publiká den dos idioma: Papiamentu i Hulandes.

Mi ta spera ku e boletin informativo aki lo sasia un nesensidat i lo kontribuí na alkansá un organisashon gubernamental mas mihó.

Presidente di e Grupo Piloto Transishon
Mr. Dr. Glenn A.E. Thodé

• Organisashon di transishon

Pa organisá e transishon kolegio ehekutivo a instalá un grupo piloto i un tim di transishon. E grupo piloto ta duna direkshon na e proseso di transishon i ta guia e trabounan den rasgonan general. E tim di transishon ta formulá un plan di enfoke pa e transishon, ta bin ku proposishonnan pa proyektonan i ta koordiná e trabounan.

Pa guia e kambionan den e organisashon, kolegio ehekutivo a buska kuater mènédjer di transishon i un konsehero di organisashon. E grupo aki ta konosí komo e tim di maneho di transishon.

Aki bou ta sigui e konstelashon di e diferente gruponan.

Grupo Piloto

E grupo piloto ta duna prioridat na i ta bin ku plannan i produktonan ku ta nesesario pa e transishon. E grupo aki ta konsistí di:

Glenn Thodé	gezaghebber (presidente)
Burney El Hage	diputado di Finansa
Anthony Nicolaas	diputado di POI i struktura estatal
Nerry Gonzalez	sekretario di teritorio insular
Ron Bolman	konsehero di organisashon (sekretario)
Johan Afman	mènédjer di transishon pa inovashonnan estatal
Pedro Felix	hefe di asuntunan di personal, organisashon i informashon
Mehdi Martis	mènédjer di transishon
Fred Tiemessen	hefe di finansa

Tim di Transishon

E tim di transishon ta fungi komo interlokutor (e partner di kombersashon ku ta skucha) i ta konsehá e tim di maneho di transishon. E tim ta konsistí di:

Nerry Gonzalez	sekretario di teritorio insular (presidente)
Ron Bolman	konsehero di organisashon (sekretario)
Johan Afman	mènédjer di transishon pa inovashon estatal
Bert Kooiman	mènédjer di transishon
Mehdi Martis	mènédjer di transishon
Jan Wiss	mènédjer di transishon
Gerald Kowsoleea	konsehero di Personal, Organisashon i Informashon
George Mensché	hefe di Senso
Peter Montanus	Konsehero di komunikashon
Adely Susana-Jansen	koordinadó di medionan

• Tim di maneho di transishon na trabou

Na komienso di febrüari e tim di maneho di transishon a kuminsá ku e trabounan. E tim di maneho ta konsistí di kuater mènédjer di transishon i e konsehero di organisashon, bou di presidensia di sekretario di teritorio insular Nerry Gonzalez. Sra. Gonzalez ta tambe mènédjer di proseso. E tim di maneho lo bai organisá e trabounan diario pa e proseso di transishon den gobièrnu i desaroyá e proseso di den e servisionan.

E kuater mènédjernan di transishon i e konsehero di organisashon a kuminsá entretantu ku nan trabou. Nan tin komo tarea:

- Diseñá un organisashon gubernamental nobo;
- Guia hefenan di servisio den adaptashon di e organisashon;
- Sinkronisá e trabounan di un grupo di servisio i sekshon;
- Fungi komo lider di proyekto di un òf mas proyekto.

E tim di maneho di transishon ta konsistí di e siguiente personanan:

Nerry Gonzalez	sekretario di teritorio insular (presidente)
Johan Afman	mènédjer di transishon pa inovashon estatal
Ron Bolman	konsehero di organisashon
Bert Kooiman	mènédjer di transishon
Mehdi Martis	mènédjer di transishon
Jan Wiss	mènédjer di transishon

E tim di maneho tin su ofisina den Ofisina prinsipal di gobièrnu.

Den un próksimo edishon di Boletin di Transishon e mènédjernan di transishon lo presentá nan mes i kontá mas di nan trabou na Boneiru.

Reacties:

Wilt u reageren op berichten in Transitie Nieuws?

Stuur uw reactie naar: transitienieuws@bonairegov.com